

deptam, sic ornavit, ut Ecclesiam electionis, Ministerium approbationis, Illustrissimum principem conformatio- nis nunquam pœniteret. Quin industria sua effecit & perfecit, ut Amplissimus Senatus rationes iniret, quomo- do cum, quem singulari Dei beneficio urbi huic datum videbat, non tantum beneficijs devinciret & ornare, sed perpetuò etjam retinere posset. An verò putatis, Auditores, cœco quodam impetu viros prudentissi- mos in hæc descendisse consilia? non opinor. quid igi- tur? Pietas, Ingenium, Eruditio, Eloquentia, vita digna ministro Ecclesiæ, hæc hæc illa sunt, quæ ipsum gratum cunctis reddiderunt, retinendum ornandumq; modis omnibus peruaferunt.

Hic verò latissimus mihi aperitur campus pluri- marum virtutum Lobechii nostri, quibus ille mini- sterium suum, professionem suam, vitam suam, mor- tem deniq; suam condecoravit: quas omnes si meo en- comio illustriores reddere aggrederer, pertimescen- dum e quidem esset. ne istarum amplitudinem ingenij mei culpâ, & orationis hebitudine detercerem. Attamen cum semel hanc in me provinciam suscepserim, dicam non quantum debeo, sed quantum possum; sperans si ex multis pauca, ex maximis minima saltu attigero, officio hoc meo utcunq; me satisfacturum.

Neq; vero quenquam fore arbitror, quem hic stimu- let Invidia. Etenim si patres gloria filiorum sunt: di- cente Regum sapientissimo, & sapientum potentissimo Salomon: nobis quoq; ingloriosum esse non poterit, illius viri laudes cognoscere, qui auditorum suorum ut pater liberorum curam egit, eos amat, pro ijs vigila- vit, imo nihil non præstuit, quod salutem eorum ater- nam promovere posset: quin & vitam suam præsen- D tissimo

Proverb,
17, 6.